



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ

ք.եղեգնածոր

N 03

«21» հունվարի 2008 թ.

«ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՀԻՄՆԱԳՐՄԱՆ ՄԱՍԻՆ

Ի կատարումն Հայաստանի Հանրապետության կառավարության 2006 թվականի նոյեմբերի 2-ի «Հայաստանի Հանրապետության մարզերի առողջապահության համակարգերի օպտիմալացման ծրագրերը հաստատելու մասին» թիվ 1911-Ն որոշման («Հայաստանի Հանրապետության կառավարության 2006 թ. նոյեմբերի 2-ի թիվ 1911-Ն որոշման մեջ լրացումներ և փոփոխություններ կատարելու մասին» ՀՀ կառավարության 2007 թ. սեպտեմբերի 27-ի թիվ 1218-Ն որոշման խմբագրությամբ),

ղեկավարվելով Հայաստանի Հանրապետության Քաղաքացիական օրենսգրքով, «Բաժնետիրական ընկերությունների մասին» Հայաստանի Հանրապետության օրենքի 68-րդ և 12-րդ հոդվածներով,

արձանագրելով, որ «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության կողմից թողարկված յուրաքանչյուրը 1.000 դրամ անվանական արժեքով 9124 հասարակ (սովորական) անվանական բաժնետոմսերը տեղաբաշխված են, լրիվ վճարված («ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության բաժանիչ (առանձնացման) հաշվեկշռի համաձայն) և պատկանում են հիմնադրին՝ Հայաստանի Հանրապետությանը («ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության կողմից տեղաբաշխված բաժնետոմսերի՝ «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության բաժնետոմսերի փոխարկման կարգի համաձայն),

Ո Ր Ո Շ ՈՒ Մ Ե Մ

1. Հաստատել «ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության կողմից տեղաբաշխված հասարակ (սովորական) անվանական բաժնետոմսերի փոխարկման արդյունքները «ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության և «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության բաժնետոմսերի, այն է՝ «ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության կողմից տեղաբաշխված թվով 9124 հատ 1,000 դրամ անվանական արժեքով հասարակ (սովորական) անվանական բաժնետոմսերը փոխարկվում են «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության կողմից թողարկված թվով 9124 հատ 1,000 դրամ անվանական արժեքով հասարակ (սովորական) անվանական բաժնետոմսերի, իսկ «ՎԱՅՔԻ ԲՈՒԺԱԿԱՆ ՄԻԱՎՈՐՈՒՄ» փակ բաժնետիրական ընկերության կողմից տեղաբաշխված մյուս 17463 հատ 1,000 դրամ անվանական արժեքով հասարակ (սովորական) անվանական բաժնետոմսերը չեն փոխարկվում:

2. Հաստատել «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության կողմից թողարկված հասարակ (սովորական) անվանական բաժնետոմսերի տեղաբաշխման արդյունքները համաձայն սույն

որոշման 1-ին կետի և տեղաբաշխման արդյունքում ձևավորված կանոնադրական կապիտալի մեծությունը՝ 9,124,000 (ինը միլիոն հարյուր քսանչորս հազար) դրամ, որը կազմում է 9124 (ինը հազար հարյուր քսանչորս) հատ 1,000 (մեկ հազար) դրամ անվանական արժեքով հասարակ (սովորական) բաժնետոմսեր:

3. «ՎԱՅՔԻ ԲՈՒԺՎԿԱՆ ՄԻՎՈՐՈՒՄ» փակ բաժնետիրական ընկերությունից առանձնացման ճանապարհով հիմնադրել «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» անվանումով «փակ բաժնետիրական ընկերություն» կազմակերպական-իրավական ձևի առևտրային կազմակերպություն հանդիսացող իրավաբանական անձ, որի ստեղծման նպատակն է տնտեսական գործունեություն (այդ թվում՝ բնակչության առողջության առաջնային պահպանման գործունեություն) իրականացնելու ճանապարհով շահույթի ստացումը:

4. Հաստատել «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության կանոնադրությունը:

5. Ընկերության կանոնադրական կապիտալի չափը սահմանել 9,124,000 դրամ, որը բաժանվում է 9124 հատ հասարակ (սովորական) անվանական բաժնետոմսերի, յուրաքանչյուրը 1,000 դրամ անվանական արժեքով:

6. Սահմանել, որ

- «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության տնօրենների խորհրդի իրավասություններն իրականացնում է ընկերության բաժնետերերի ընդհանուր ժողովը, ընդ որում «բաժնետիրական ընկերությունների մասին» Հայաստանի Հանրապետության օրենքով ընկերության տնօրենների խորհրդին վերապահված հարցերի լուծումը իրականացնում է ընկերության բաժնետերերի ընդհանուր ժողովը, բացի ընկերության բաժնետերերի ընդհանուր ժողովների գումարման հետ կապված հարցերից, որոնց լուծումը վերապահվում է ընկերության հիմնադրի կողմից լիազորված պետական կառավարման մարմնի ղեկավարին կամ նրա ներկայացուցչին
- Ընկերության տնօրենների խորհրդի նախագահի և տնօրենի պաշտոնները համատեղվում են,
- Ընկերության ֆինանսատնտեսական գործունեության վերահսկման համար վերստուգող հանձնաժողով չի կազմավորվում: Հանձնաժողովի իրավասությունները դրվում են վերստուգողի վրա, որը նշանակվում է Հայաստանի Հանրապետության Վայոց Ձորի մարզպետի կողմից:

7. Ընկերության տնօրենի ժ/պ նշանակել Սովսես Սարգսյանին (անձնագիր AC 0286716 տրված 09.12.1998 թ. 035 կողմից, բնակության վայրը՝ Վայոց Ձորի մարզ, գ. Վերնաշեն):

8. Ընկերության ժամանակավոր վերստուգող նշանակել Էդգար Լևոնյանին:

9. «ԶԱՌԻԹԱՓԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՅՊԱՆՄԱՆ ԿԵՆՏՐՈՆ» փակ բաժնետիրական ընկերության հիմնադրի կողմից լիազորված պետական կառավարման մարմնի կողմից ընկերության բաժնետերերի ընդհանուր ժողովներին 100 տոկոս ծայնի իրավունքով մասնակցելու համար լիազորել Հայաստանի Հանրապետության Վայոց Ձորի մարզպետարանի աշխատակազմի առողջապահության և սոցիալական ապահովության վարչության պետի տեղակալ Արտաշես Գալստյանին, որին վերապահվում են ընկերության բաժնետերերի ընդհանուր ժողովի իրավասությանը վերապահված բոլոր հարցերի լուծումը, բացի ընկերության լուծարման, վերակազմակերպման, կանոնադրական կապիտալի փոփոխման, գործադիր մարմնի ձևավորման և խոշոր խոցվածքների կնքման հետ կապված հարցերի լուծումից:

ՀՀ Վայոց Ձորի մարզպետ



Մարթնոսյան